

【賞景】

早春賞梅

衝寒破臘轉貞元，三弄迎風玉蕊蕃。

古剎籬邊蘇曉夢，名山澤畔展春魂。

流光篩碎瓊枝影，野色濡和綠萼痕。

一片冰心傳素韻，冷香消息透柴門。

【遊蹤】

坐阿拉斯加懸崖火車

車行峭壁坐驚心，搖曳蜿蜒冷汗涔。

敢向懸崖垂一望，盪魂百丈谷幽深。

履哥林比亞冰川

兢兢戰戰履冰川，峻嶺崇山勢萬千。

滄海桑田真罕見，太平洋變雪峰巔。

遊澳洲雪梨海灘

黃沙白浪映藍空，萬里無雲動客容。

一岸樓台臨水築，天涯何日再相逢。

雪梨劇院雪梨橋

虹橋橫跨雪梨灣，帆影歌聲動宇寰。

碧海青天澄一色，風光如畫展歡顏。

阿根廷農莊策馬

提韁策馬綠茵馳，仿似凱旋百戰師。

何懼傷肩和折足，英風未減少年時。

遊巴西伊瓜蘇瀑布

倒掛銀河氣勢雄，飛霜散雪映青叢。

奔騰白馬空中降，咆哮黃龍險壑衝。

灌頂潮淋風雅客，輕舟蕩漾水晶宮。

伊瓜蘇瀑名天下，把臂同遊樂趣濃。

聖保羅市拓荒者雕像

驚濤駭浪險逃生，怒海無情命運爭。

新陸開荒艱苦甚，合當雕像表恢宏。

一二五公里 O.K., 長湖

迢遙百二望長湖，綠水人家野外孤。

欲向鬚翁求訊息，凝神閉目不招呼。